

# SCRIPTA

**Numéro Scripta :** 4740

**Auteur(s) :** Guillaume Saillant [particulier]

**Bénéficiaire(s) :** Pont-de-l'Arche, Notre-Dame de Bonport (abbaye)

**Genre d'acte :** charte

**Authenticité :** non suspect

**Datation :** 1225

**Action juridique :** donation

**Langue du texte :** latin

## Analyse

Guillaume Saillant du Bequet donne aux religieux de Bonport plusieurs rentes sur la terre du Puits.

## Tableau de la tradition

### Éditions principales

a. Andrieux Jules, *Cartulaire de l'abbaye royale de Notre-Dame de Bon-Port de l'ordre de Cîteaux au diocèse d'Évreux*, Évreux, Hérissey, 1862, n° LX, p. 61-62.

Texte établi d'après a

Noverint universi, tam presentes quam futuri, quod ego Willermus Saillant, pro salute anime mee et antecessorum meorum, dedi et concessi Deo et Beate Marie Boni Portus et monachis ibidem Deo servientibus, in puram et perpetuam elemosinam, assensu et bona voluntate Radulfi Lemarie et Geralmi de Bequet, dominorum fundi, quinque solidos turonensem annui redditus, quos Petrus Sancti Petri tenetur reddere predictis monachis annuatim, ad festum Sancti Michaelis, et heredes sui, super terram Putei assignatos. Quam terram predictus Petrus tenebat de me ; de qua terra reddet monachis relevamenta, et ipsi plenam justiciam facient in ea. Preterea ego predictus Willermus Saillant dedi et concessi prefatis monachis septem solidos turonensem annui redditus ad festum Sancti Michaelis persolvendos, et duos capones cum duobus denariis ad Natale, et viginti ova et duos denarios ad Pascha, et duo servitia, excepto augusto, omnibus temporibus capienda. Que omnia Acelina, filia Sauvalle, et heredes sui reddent annuatim sepeditis monachis super terram que sita est juxta terram Ricardi Lemonnier. Et sciendum est quod licet predictis monachis facere plenam justiciam super predictam terram et habere relevamenta. Hec autem ego predictus Willermus Saillant, et Radulfus Li Mariez, et Geralmus de Bequet, predictis monachis contra omnes, fide tradita, tenemur garantizare. Et ut ratum haberetur et stabile presentem paginam sigillorum nostrorum munimine roboravimus.

Actum anno gracie M<sup>o</sup> CC<sup>o</sup> vicesimo quinto.

Testibus hiis : Michaele de Curia, tunc temporis vicecomite Vallis Rodolii ; Ricardo Havart ; Odone de Fonte ; Baldrico de Orival ; Johanne Carpentario et pluribus aliis.